



Inatsisartunut ilaasortaq,
Emanuel Nûko,
Naleraq
Maani/

§ 37 naapertorlugu apeqquteqaammut nr. 144-mut akissut

Ulloq: 12-07-2022
Suliap normua: 2022 - 14607
All. nr. 20665121

Inatsisartut suleriaasianni § 37, imm. 1 naapertorlugu Tasiilami aalisarnej pillugu Naalakkersuisunut apeqquteqaateqarputit. Apeqqut suliasaqarfigisannit akineqartussanngorlugu innersuunneqarpoq.

Postboks 269
3900 Nuuk
Oqarasuaat (+299) 34 50 00
Fax (+299) 34 63 55
E-maili: apn@nanoq.gl
www.naalakkersuisut.gl

1. Aalisarnikkut siursaasoqarnissaanut Tasiilamut nunaqarfiinullu aammalu Ittoqqortoormiini Naalakkersuisut suut takorloorpaat?

Akissut:

Aalisarnermut Piniarnermullu Naalakkersuisoqarfiup ukiuni kingullerni Tunumi assigiinngitsutigut ukkatarereerpaa, soorlu aalisarnerup ineriartortinneqarnissaa, tassungalu atatillugu, 2017-miit ukioq manna tikillugu umiaatsiaaqqanut 16-inut tapiisimalluta. Inatsit atuuttoq malillugu, Nunatta sinneranut naleqqiullugu Tunumi umiaatsiaaqqanut tapiissutit aningaasalerneqarneratigut amerlanerupput. Naalakkersuisut ukioq manna 2022-mi aalajangiipput, suliasaqarfinni assigiinngitsuni aallussisoqarluni suliniuteqartoqalissasoq, aalisarnerup inussutissarsiuutaaneranut annertusaanissamut.

Suliniutit makku Tunumi aallartinneqassapput:

- Aalisarnermut tunngasutigut Tunumi ineriartornermut pilersaarusiortussanik najukkami aalisartut piniartullu peqatigiiffinit, tunisassiortunit kommunimillu peqataaffigineqartumik suleqatigiissitamik pilersitsineq.
- Kommuni suleqatigalugu Tasiilami aalisarnej pillugu isumasioqatigiinnerup ingerlanneqarnissaata isumannaarneqarnissaa.
- Najukkami aalisartut piniartullu peqatigiiffinit kommunimillu peqataaffigineqartumik piniarnerup tungaatigut suli ineriartortitseqqinnissamut iliuusissanut tunngasunut suleqatigiissitamik pilersitsineq.

Suliasaanut qulaani taaneqartunut Naalakkersuisut 2023-mi Aningaasanut inatsit aqqutigalugu suleqatigiissitap sulilernissaanut, aningaasanik immikkoortitsisoqassasoq siunerfeqarput, tassani siunertarineqarluni suleqatigiissitap pilersaarutini saqqummiutereerpagit aningaasanik amerlanerusunik immikkoortitsisoqaaqqissasoq.

Aalisarnermut Piniarnermullu Naalakkersuisoqarfiup suleqatigiissitat pilersaarusiassaataq qissavai.

2. Aalisarnikkut ikaarsaariartornermi Tasiilami eqqaanilu aammalu Ittoqqortoormiini ESU-mi aningaasaliissutit taaneqartuni piffinni qaffanneqarpata Naalakkersuisut qanoq isumaqarfigaat?

Akissut:

Tapiissuteqartarnermut inatsisit Nunatsinnut tamarmut atuutsinneqartussaapput Tasiilamut Ittoqqortoormiinullu kisimik atuutsinneqaratik. Apeqquut 1-imut akissutigattaq innersuussutigivara.

3.Tasiilamut eqqaanullu aammalu Ittoqqortoormiini aalisarnikkut ikaarsaalernermi ESU aningaasaliissutit ukiumut 5 mio kr. ukiuni tallimani piffinni taaneqartuni aningaasaliinerunissaq, Naalakkersuisut qanoq isumaqarfigaat?

Akissut:

Apeqquut 2-mut akissutigiga innersuussutigivara.

4.Taamaalisoqarpat pisortanut allaffissornikkullu qanoq naleqassava?

Akissut:

Allaffissornikkut qanoq akeqassanersoq immikkuullarissumik naatsorsorneqarsinnaanngillat. Ukiunili tallimani ukiumut 5 mio koruuninik aningaasaliisoqassappat Nunatta Karsianut 25 mio koruuninik naleqassaaq.

5.Namminersorlutik ingerlatalinnut allaffissornikkullu qanoq naleqassava?

Akissut:

Apeqquut 4-mut akissutigiga innersuussutigivara.

6. Innuttaasunut allaffissornikkullu qanoq naleqassava?

akissut:

Apeqquut 4-mut akissutigiga innersuussutigivara.

Inussiarnersumik inuulluaqqusillunga



Karl Tobiassen

Aalisarnermut Piniarnermut Naalakkersuisoq